

# Before you Sign

## Trannung en Scheidunk

Welkom nu daut "Before you Sign" Podcast. Dis Podcast es gemoakjt toom die halpen bāta diene legale rajchte to weeten en de Provinc fon Ontario. Daut es wijchtich to weeten daut disse Podcasts nijcht hia sent toom die rut jāwen fa diene legale loag, dee sent hia toom information jāwen āwa legale themas waut nutzboa sent fa diene loag.

Fondoag wel wie fataln āwa Scheidunk en Trannung en Ontario. Denkjts dū aun die Trannen oda die Scheiden? Wan jau, dan es daut wijchtich daut dū weetst waut dua wet fibungen es.

Dee iaschta staup toom die scheiden es die to trannen. Getrant sen meent daut du die so benehmen des aus wan du daut Ferhältnis wes toom enj brinjn. Toop met dien Poatna sust dū een Dutem entscheiden fa dee Trannung; daut es wijchtich daut jie een Dutem beschluten doon wanneja jüne Trannunk aunfank. Toom biespeel, diss Dutem kaun sen dān dajch von wan jie nijcht meeja en dee selfsje Stuv schlupen doon, nijcht meeja toom āten doon, oda toom fa ne Reis foarn. Wan jie iascht dissen Dutem entschluten hant, kjee jie een Trannunk Breef schriewen, een eefachet papia waut dua sajcht wo jie woarn met Probleme oamgun waut dua woarn oppkum enn dee Scheidunk. Jie kjeen een biespeel finjen von sonst dit papia aun dee "Justice" Websied. Jie kjeen jünt nijcht scheiden bot jie iascht wingst 1 joa getrannt sen gewast. Trannunk es waut jeweehnlich dee uaseak es fa ne Scheidunk. En jewesse loagen kaun daut sen daut dit fer 1 joa derchjeit, wan dee uaseakj es daut een poatna nijcht es tru gewas, oda wān dua kjarpalijcha oda emotianalla messbruck passiat. Toom jetrannt sent meent nijcht daut jie mooten en fashedne Hisa wuhn.

Wan du oda dien Poatna iascht entscheit hant junt to trannen oda to scheiden, moot jie wijchje entscheidungen moakjen. Toom biespeel: Wea woat es daut familje Hus wuhnen? Wan jie Kjinkja hant, wua woarn dee wuhnen en woo woat nu eant oppjepaust woarn? Wea woat entscheidungen moaken fa dee Kjinkja? Waut fone finanzielle unjastetung woat dua sen fa dān poatna oda kjinkja? Wo woa jie jüne dinja opdeeln waut jie toop hant? Wan du nijcht een Canadian Citizenship bes, moots du dua aun denkjen wo dit woat dien immigration process begriepen. En jeweeese loagen, sajch dien poatna vleich dee woarn die üt Canada rütschtopen wān du woascht die trannen oda scheiden. Dien poatna kaun dit nijcht doonen. Bloos dee Federale immigration Aunjestalde kjennen jemaunt üt Canada rütschtopen. Fatald met eenen legalen Professional wan dū nijcht een Canadian citizenship hast so daut du kaus dee rajchte information kjriejen. Daut es wijchtich daut du weetst aus dee Trannunk oda Scheidunk woat een unjascheet moaken fa dien immigration application.

Daut es wijchtich too weeten daut dua een unjascheet es tweeschen en poa waut bafriet es, en een poa waut bloos toop jegunen es. Toom biespeel, wan du befriet bes, kaus du froagen fa en equalization von daut famieljen Hus, uba wan du bloos common-law bes met dien poatna, kaus du nijcht dit doonen. Poarn waut toop wuhnen doon uba nijcht befriet sent, hant nijcht dee selfsje rajchte wan daut kjemmt toom oppdeelen, būta daut Hūs es en beid von eare Numes oda see hant toop fa daut betült. Befriet oda commom-law, jie kjennen froagen daut jun poatna junt unjastät.

## Before you Sign

Toom jüne Scheidunk foadich to moaken, moatst dü aunfroagen fa ne Scheidunk bie daut Jerejcht. Disse aunfroag kaun bloos jemoakt woaren bie dee “Superior Court of Justice” oda “Family Court branch of the Superior court of justice”. Bloos eene person kaun disse aunfroag moaken, uba jie kjeenen entscheiden daut toop too doonen. Dee Scheidunk prozess woat foadijch jemoakt woarn enn dee Municipal wua jie wuhnen.

Jie mooten daut Jerejcht Gelt toolen om ne Scheidunk to han. Dee iaschte Toolung woat jemoakt wan jie aunfroagen doon fa ne Scheidunk. Extra kosten woarn dua sen fer daut Jerejcht woat jüne Scheidunk derchseenen. Daut es wijchtich daut jie weeten daut disse toolungen haundeln sick om daut Jerejcht en dee Papia oabeit. Wan dü wes een Anwalt (lawyer) hant, kun die daut meeja kosten ne Scheidunk han.

Wie hupen die haft dissen Podcast jehalpen om meeja legale information to kjrijejen äwa Scheidunk oda Trannunk en Ontario. Wan du froagen hast äwa Custody en Access fon diene Kjinkja nu dee Scheidunk oda Trannunk, bitte nähm dee tiet toom dän Podcast horchen aun daut Thema.

Wan dü noch froagen hast äwa dit Thema, bitte gu trigj no dee städ waut die fon diese Podcasts fataln deed. Wan dü een computer hast, kaus dü uck nu disse Internet sieden goon fa meeja information: [stepstojustice.ca](http://stepstojustice.ca) oda [settlement.org](http://settlement.org). Wan dü weetst daut die halpt fehlt met diene legale Sachen, phon dee “Legal Aid Ontario” bie diet phonnuma 1-800-668-8258, mundach bot fridach, clock 8-5, fa halpt met äwa 300 sproakjen. Disse Podcasts sent financial ünjastet von “The Law foundation of Ontario”. Dee YWCA St.Thomas-Elgin es feantwuatlijch fa dän enhault.